



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

51 An peccatum, sit essentialiter offensa Dei.

urn:nbn:de:hbz:466:1-39908

QV AESTIO LI.

An peccatum sit essentialiter offensa Dei.

C A S V S.

RVSTICVS quidam, cum inaduentia ad Dei legem, sèpius, in materia etiam graui, mentitus est. Quæritur; Vtrum mortaliter peccauerit, ac Deum offenderit.

SVMMARIVM.

- 3 Grauiter mentiens cum inaduentia ad Dei legem, mortaliter peccare non videtur.
- 8 Deus, quot modis considerari possit.
- 9 Quid sit peccatum mortale, quid veniale.
- 10 Sic mentiens, Deum grauiter offendit.
- 11 Transgreditur legem naturalem cognitam.
- 12 Virtualiter Deum contemnit.
- 13 Mendacium est prohibitum, quia malum.
- 14 Etiam antecedenter ad Dei legem, est peccatum.
- 15 Dei offesa, est actio contra Dei legem, vel formaliter, vel consequenter.
- 16 Peccatum constituitur per oppositionem cum aliquà lege.
- 17 Peccatum, est inobedientia Deo facta, vel directe, vel indirecte.
- 18 Cur circumstantia inadvertentia, in confessione explicanda non sit.
- 19 Quomodo omnia peccata sint contra Dei legem.

- 20 Etiam veniale, est legis prævaricatio.
- 21 Omne peccatum reddit actum inordinabilem ad ultimum finem.
- 22 Peccatum veniale, cur dicatur esse præter legem.
- 23 Veniale, in quo differat à mortali.

RATIONES DVBITANDI.

SIc ut operatio, legiinternæ conformis, appellatur virtuosa; ita quæ ei est disformis, ab eaque deficiens, dicitur defectuosa, sive defectus, ac peccatum; estque nobis mala, sicut aquæ, est malus calor; Sicut enim calor, est malus aquæ, quia est contra eius inclinationem ad frigus, à quo conseruatur, ac perficitur. Ita peccatum, nobis est malum, quia est contra dictamen rationis, sive legem internam, quæ nos inclinat ad operationem virtuosam, & per eam ad felicitatem. Cum autem Conscientia, sive lex interna, nostrarum operationum sit regula immediata, ut vidimus; eius officium, ac munus est, non solum voluntatis, sed etiam corporis, & animi.

Kk 3

volun-

voluntatem dirigere ad recte operandum, iuxta mensuram libertatis, quæ illi ab ignorantia, ac metu relinquitur, sed ipsarum etiam operationum perfectio-
nes, ac defectus indicare; vtrumque enim hoc munus, est proprium regulæ.

3 *Vt ergo Conscientiæ, sive legis internæ natura, ac vis ad nostras operatio-
nes dirigendas, melius adhuc cognoscatur; peccati, quod illi directe oppo-
nitur, natura, species, ac proprietates, querendæ sunt; sic enim fiet, vt op-
posita, iuxta se posita, magis eluescant,
Quamvis autem, certum sit, peccati malitiam, ac essentiam, consistere in eius propositione cum conscientiæ, sive lege interna, ac regula rationis; adhuc tamen dubitatur, an sit essentialiter offensa Dei; Aliqui enim hoc negant, asseruntque, Rusticum, dum cum inadvertentiâ ad Dei legem, grauius mentitus est, nec Deum offendisse, nec mortaliter peccasse. Ita sentire videntur.
*D. Thom. 1. 2. qu. 71. art. 6. ad 5. Suar. lib. 2. de legib. c. 6. num. 17.**

4 *Primò; Quia offensa Dei consistit in eo, quod quis scienter faciat contra Dei præceptum, ac legem; Sed Rusticus, dum mentitus est, ad Dei legem non aduertit; Ergo mentiendo, non fecit contra illam formaliter, & consequenter Deum formaliter non offendit.*

5 *Secundò; Quia Rom. 4. ubi non est lex, nec prævaricatio; & 1. Cor. 15. virtus peccati lex; Ergo peccatum formaliter constituitur per contrarietatem ad Dei legem. Cum ergo, ad hanc non aduerterit Rusticus, dum mentitus est, contra illam non fecit, & consequenter nec peccauit.*

Tertiò; quia peccatum ex Sancto Ambroso de Paradiſo c. 8. est transgressio diuinæ legis, & inobedientia cælestium mandatorum, & consequenter offendit Superiori facta. Sed inobedientia, & offendit necessariò requirit cognitio-
nen legis superioris, cuius voluntati inobediens repugnat. Ergo ad pecca-
tum, necessario requiritur cognitio le-
gis superioris; ad quam cum rusticus non aduerterit, consequenter nec Deum offendit.

Quartò; Quia, Si rusticus aduertisset, mendacium lege diuinâ esse prohibitum, multò grauius peccasset, quam aduer-
tendo solùm esse dictamini rationis, sive legi naturali contrarium. Consequens autem est falsum; si enim grauius pec-
casset, hanc circumstantiam aduenten-
tiæ, tanquam mutantem speciem ex-
plicare teneretur, quod tamen à nem-
ine admittitur; Ergo signum est, pec-
catum, solùm in contrarietate ad Dei
legem consistere.

NOTABILIA.

A Duertendum est primò; Deum con-
siderari posse, vel quatenus est Legislator; vel quatenus est primum Principium, ac supremus omnium crea-
turarum Dominus; vel denique quatenus est ultimus Finis noster. Certum
est, peccatum, eo ipso quod est contra di-
ctamen, ac regulam rationis, non pro-
pterea esse offenditum Dei, quatenus
Legislator est; si enim Deus, nullus
homini præceptum imposuisset, adhuc
mendacium, fornicatio, homicidium,
& similia, essent contra regulam, ac di-
ctamen



Etamen rationis, & tamen tunc non es-
sent contra Dei praeceptum, ac legem, &
consequenterneque contra Deum ut Legis-
latorem. Similiter certum est, non omnia
peccata, eo ipso quod sunt contra regulam
rationis esse simul offendam Dei, tanquam
primi Principij, ac creaturatum omnium
Domini, sed ea solùm, quæ sunt con-
tra Religionem, vt sunt blasphemia,
idolatria; &c. Deus enim, vt primum
Principium, ac supremus creaturarum
Dominus, habet solum ius, vt à crea-
turis colatur; Hic autem cultus, Deo
debitus, non tollitur propriè per quod-
cumque peccatum; sicut enim cultus,
non consistit in quocumque opere bono,
sed solùm in quibusdam actibus; vt, in
Oratione, Sacrificio, & aliis similibus
actibus Religionis, ita non tollitur per
quodcumque peccatum, sed solùm per
peccata contra Religionem. Peccatum
ergo, eo ipso, quod est contra regulam
rationis, est offenditum Dei, solùm
quatenus est ultimus finis noster; Eo
enim ipso, quod aliquis actus, est con-
tra regulam rationis, est inordinabilis
ad ultimum finem, ad quem tamen
omnia aliquo modo referri debent; Hinc
ergo fit, vt Deum offendat, quia violat
ius, quod Deus tanquam ultimus finis
habet, vt omnia ad eum, aliquo modo,
referantur, ad ordinentur.

9. Aduertendum est secundo; Non quan-
libet Dei offendam, sufficere ad eius
Amicitiam dissoluendam, sed requiri,
vt offensa sit grauis; sicut requiritur
etiam inter homines. Cum enim ami-
citia, sit res grauissima, à rebus parui
momenti pendere non debet. Quare,

quemadmodum, inter homines, qui ami-
cum vel incaute solùm, vel in re leui
offendit, iustum causam soluenda ami-
citiae dedit non censetur; nec propter
quamcumque offensiunculam fit quis
statim Amico inimicus, eumque usque
ad mortem persequitur. Ita inter Deum,
& homines, non quælibet Dei offensa,
satis est, ad eius amicitiam dissoluendam;
neque enim probabile est, risum im-
moderatum, aut verbū otiosum, ho-
minem cæteroqui iustum, perpetuò Dei
odio dignum reddere; sed requiri, vt of-
fensa sit grauis. Vnde, in Euangeliō,
quædam peccata, rebus leuissimis com-
parantur, alia verò grauissimis. *Matt. 23.*
*excolantes culicem, camelum deglurien-
tes, & Luce 6. quid vides festucam in
oculo Fratris tui, trabem autem que in
oculo tuo est, non consideras.* Que au-
tem sint trabes, que festucæ, colligi po-
terit primò ex Scriptura; Si enim pec-
catum aliquod, in eā dicatur excludere
à regno Dei, vt *Galat. 5.* *Qui talia
agunt, regnum Dei non consequentur.* In-
dicatur, peccatum illud esse mortale,
& offenditum Dei grauem. Secundò; Ex
qualitate, & quantitate materiae, qua prä-
cipitur, vel prohibetur. Si enim hæc,
ex se, sit valde utilis ad Dei, vel proximi
charitatem conseruandam, & quantitas
sit notabilis, peccatum erit similiter mor-
tale, & offensa grauis. Tertiò; deni-
que, ex virtute, cui peccatum opponitur;
si enim, per illud, grauiter lèdatur ali-
qua virtus, ex iis, quæ homini maxime
necessariae sunt, offensa erit grauis. Si
verò peccatum aliquod, vel in Scriptu-
ra non magni fiat, vel eius materia le-
uis sit, vel aduentitia imperfecta, erit

tan-

tantum offensa letis, ac venialis. His positis,

RESOLVTIO.

Io **R**espondetur; Rusticum, sic mentiendo, mortaliter peccasse, ac Deum offendisse. *Vasq. I. 2. d. 96. c. 2. Azor. tom. I. lib. 4. c. 1. quæst. 4. Medina I. 2. qu. 71. art. 6. Aluarez I. 2. d. 131. nu. 3. Bonac. d. 2. quæst. 2. p. 1. nu. 2.*

II Primò: Quia, ad mortaliter peccandum, satis est, transgredi legem naturalem cognitam, in re graui, alioquin omnes gentes, quæ Deum, vel specialem Dei prohibitionem ignorant, mentiendo, aut occidendo, mortaliter non peccarent, & consequenter propter hos actus malos, non punirentur pœna æternâ; quod non videtur concedendum, sed Rusticus sic mentiendo legem naturalem transgressus est in re graui, ergo mortaliter peccauit.

12 Secundò; Quia actus humanus eo ipso, quod est moraliter malus, & contra rectam rationem, in re graui, est etiam virtualiter contemptius Dei, vt vltimi Finis. Hic enim virtualis contemptus est inseparabilis à malitiâ morali actus, vt dictum est. Ergo Rusticus, sic mentiendo, virtualiter Deum, tanquam ultimum Finem, contempnit; ideoque illum offendit; Et quia materia erat grauis, offendit grauitate.

13 Tertiò; Quia, lex diuina, ideo prohibet mendacium, homicidium, adulterium, & similia, quia mala sunt. Ergo hæc, antecedenter ad Dei prohibitionem habent malitiam sufficientem,

vt constituantur in esse peccati. Ergo, quamvis Rusticus, mentiendo, ad Dei prohibitionem non aduerterit, adhuc tamen peccauit; & Deum offendit, saltem quatenus est custos legis naturalis.

Quartò; Quia, seclusa Dei lege, si quis mentiatur, verè inhonestè, ac indecenter operatur, ideoque peccat. *Rom. enim 2. dicitur: Cum gentes, que legem non habent, naturaliter ea, que legis sunt, faciunt, ostendunt opus legis scriptum in cordibus suis, testimonium reddente illis conscientia ipsorum.* Et Deus, quamvis sibi legem imponere non possit, mentiri tamen non potest, quia malum est; Ergo mendacium, antecedenter ad omnem Dei legem, est peccatum; ideoque potuit Rusticus, etiam cum inadvertentia ad Dei legem, mentiendo, peccare.

ORICTIONUM SOLVTIO.

Neque obstant rationes in contrarium; Nam ad primam respondetur; Dei offendam, consistere in hoc, quod quis faciat contra Dei legem, vel formaliter, vel consequenter, non autem in eo, quod contra illam faciat formaliter; Mendacium enim, antecedenter ad omnem Dei legem est in se malum, & peccatum. Imo propterea est diuinâ lege prohibitum, quia peccatum est. Vnde ratio formalis, & causa principalis, cur sit peccatum, non est lex Diuina, sed eius contrarietas cum dictamine tationis, siue cum natura humana, quatenus ratione vtitur, & eius inordinabilitas ad Deum tanquam ad ultimum finem; Consequenter vero,

&c in-



& indirecte, est lex divina, eo quod omnia peccata, sunt etiam contra legem Diuinam, quatenus Deus præcipit, iustis legibus obedientiam præstari, & omnia peccata, sunt contra aliquam legem, vel Diuinam, vel naturalem, vel humanam; imo ideo sunt peccata, quia aliqua ex istis legibus sunt prohibita.

16 Ad secundam respondetur; ex illis Scripturæ locis, solum colligi, quod peccatum essentialiter constituitur, per contrarietatem ad aliquam legem, & quod omne peccatum est malum, quia aliqua lege est prohibitum, quod est verissimum. Nam comestio, tempore ieiunij, est mala, quia iure humano, est prohibita; omissione Confessionis ante Communionem, est mala, quia habenti conscientiam peccati mortalis, iure diuino, præcepta est Confessio; & mendacium est malum, quia iure naturæ, sive lege naturali, est prohibitum. Hinc tamen non sequi, quod omne peccatum sit malum, quia lege Diuina est prohibitum; quamvis enim omnia peccata, de facto lege diuina sint prohibita; ratio tamen formalis, cur sint peccata, non est, quia lege diuina sunt prohibita, sed solum, quia sunt prohibita aliqua lege, vel Diuinæ, vel naturali, vel humana.

17 Ad tertiam respondetur; Peccatum esse inobedientiam, & offensam Deo factam, non formaliter, sed solum materialiter, & indirecte, sive consequenter: neque enim ad rationem peccati requiritur, ut sit transgressio legis ex voluntate non obediendi Deo, sed satis est, quod sit contra rationem; sic enim, eo ipso, est etiam saltem mediately contra Dei legem, & consequenter inobedientia materialis, quæ sufficit ad peccatum,

R. P. Beati Lib. I.

Ad quartam respondetur; Concedendo, grauius peccare eum, qui aduententer violat Dei præceptum, quam qui nullam illius aduententiam habet; quia tamen fere nunquam accidit, ut quis Dei legem ignoret, de ijs, quæ sunt intrinsecè mala, & ad eam aliquo modo non aduertat; hinc est, ut in confessione eam circumstantiam aduententia, vel inaduententia explicare necesse non sit.

COROLLARIA.

Colligitur ex dictis primò; Omne peccatum, esse contra Dei legem, vel indicantem, illud esse malum, ac peccatum; hoc enim modo, omnia peccata intrinsecè mala, sunt contra Dei legem eorum malitiam indicantem: vel esse contra Dei legem, facientem, illud esse malum, ac peccatum; hoc enim modo omnia, quæ sunt mala, quia prohibita, sunt contra Dei legem præcipientem, sine facientem, illa esse mala cum ideo sint mala, quia sunt Diuinæ legi contraria.

Secundò; Non solum peccato mortali, sed etiam veniali, conuenire, quod sit legis prævaricatio, sive quod sit voluntas, locutio, aut operatio contra legem; Nam etiam veniale, verè est contra legem. Verè enim est contra rectam rationem, sicut mortale; Imo eodem saepè præcepto prohibetur, quo mortale, ut patet in furto gravi, & levi; Vnde, cum venialia, dicuntur esse non contra legem, sed præter legem, intelligendum est, non esse contra legem absolute, sed solum cum addito, scilicet leuiter, & non notabiliter, vel non esse contra legem, Diuina gratia, ac amicitia necessariam, peccatis enim venialibus, Diuina amicitia non dif-

L1

dif-

dissoluitur, nec gratia amittitur, quamvis infirmetur, ac remittatur.

21 Tertiò: Non solum peccatum mortale, sed etiam veniale, ex eo quod sit contra rectam rationem, reddere actum inordinabilem ad ultimum finem, ad quod tamen tenetur creatura rationalis, eo ipso, quod vult operari. Vnde etiam veniale, est offensa Dei, leuis tamen, & eius amicitiam non dissoluens.

22 Quartò: Peccatum veniale dici posse præter legem, quatenus non est propriè contra finem legis, siue quatenus non priuat hominem charitate, quæ Rom. 13. dicitur, finis ac plenitudo legis, eò quod omnia præcepta eo tendant, ut Deum ex toto corde diligamus, & proximum sicut nos ipsos.

23 Quintò: Veniale, differre à mortali, primo quo ad modum tendendi in Deum. Veniale enim leuiter opponitur regulæ rationis, & consequenter etiam legi Diuinæ, mortale vero grauiter: Secundò quo ad effectus; Nam veniale, non priuat gratiæ, & charitate, quamvis Deo vere displiceat, & sit propriè peccatum; mortale vero, & gratiam aufert, & Di-

uinam amicitiam dissoluit, ac destruit. Veniale meretur solum aliquam pœnam temporalem; mortale vero perpetuam Diuinæ visionis carentiam, & pœnas inferni.

Sextò, Peccatum mortale, v. g. For²⁴ nicationem, dici auersionem à Deo, & conversionem ad creaturam, tanquam ad ultimum finem, quia, cum sit incompositibilis cum affectione Dei, ac ultimi finis, eo ipso, quod illa amat, necessariò Deus, ut finis ultimus virtualiter negligitur, ac contemnitur, eique postponitur, atque ita grauiter offenditur. Similiter, quia est essentialiter destruenda amicitia diuinæ, eo ipso, quod illa amat, amicitia Diuina necessariò virtualiter contemnitur. In hoc autem sensu, peccatum veniale, dici non potest, auersio à Deo. Tum quia, non tollit charitatem, quæ est connersio ad D E V M; Tum quia, non impedit alfectionem finis ultimi. Dicunt tamen potest auersio à Deo quasi negatiæ, quatenus peccatum veniale, non est referibile ad Deum tanquam ad finem ultimum.

Q V A E S T I O L I I .

An effectus peccati sit peccatum.

C A S V S.

IACERDOS quidam, aliquot diebus nauigaturus, nauim consenserens, Breuiarum in mare proiecit. Die tamen sequenti illuminati pœnituit, & actum Contritionis elicuit. Cum autem, absoluta nauigatione, descendisset è naui, peccatum suum confiteri voluit, sed ignorabat, quomodo confiteri deberet: Num dicendo, se omissione

Offi-